

Hymnus de Spiritu Sancto

8. **V**



E-ni Cre- á-tor Spí-ri-tus, Mentis tu-ó-rum ví-si-ta :
Imple su-pérna grá-ti-a Quae tu cre- ásti pécto-ra.

Qui diceris Paráclitus,
Altíssimi donum Dei,
Fons vivus, ignis, cáritas,
Et spiritalis únctio.

Tu septifórmis múnere,
Dígítus patérnae dexteræ,
Tu rite promíssum Patris,
Sermóne ditans gúttura.

Accénde lumen sénsibus,
Infúnde amórem córdibus,
Infírma nostri córporis
Virtúte firmans pérpeti.

Hostem repéllas lóngius,
Pacémque dones prótinus :
Doctóres sic te prævio,
Vitémus omne nóxium.

Per te sciámus da Patrem,
Noscámus atque Fílium,
Teque utriúsque Spíritum
Credámus omni témpore.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula. **A**men.

R̄. Emítte Spíritum tuum et creabúntur. (*T.P.* Allelúia.)

V̄. Et renovábis fáciem terræ. (*T.P.* Allelúia.)

Orémus.

Oratio.

DEUS, qui (hodiérna die) corda fidélium Sancti Spíritus
illustratióne docuísti : † da nobis in eódem Spíritu recta sápere,*
et de ejus semper consolatióne gaudére. Per Christum Dóminum
nostrum. **R̄.** Amen.